



Sesida dals

Communitgà ils

Protocol nr.

18 da zercladur 2024

19 da zercladur 2024

513/2024

Dumonda Atanes

concernent la plattafurma innolab.graubünden.ch

Resposta da la Regenza

La dumonda tracta dus differents temas. D'ina vart vegn tematisada la pagina innolab.graubuenden.ch che vegn manada da l'uniun Grischun Vacanzas (GRV) (dumonda 2, per part er 4), da l'autra vart vegnan tschentadas dumondas davart ils portals d'internet da l'administraziun chantunala (dumondas 1, 3 e 4).

Cun innolab.graubuenden.ch (Innolab) vegnan tschertgadas ideas innovativas realisablas per segirar il futur turistic dal Grischun a vista mesauna fin a lunga vista. La plattafurma vegn manada da GRV ed è in'actividad en il rom da la strategia da GRV per vesair tendenzas e per sviluppar products innovativs. La promoziun da l'innovaziun turistica è ina part da l'incarica da prestaziun ch'è vegnida surdada dal chantun. Co che GRV vul promover l'innovaziun, po GRV decider sez.

Cun ina plattafurma d'ideas tira Innolab a niz la creatividad dals giasts, da la populaziun indigena e da persunas che s'interessan per il turissem, per uschia chattar e rimnar novs concepts per ideas turisticamain relevantas ubain per che persunas vegnian a lavurar er en il Grischun.

Per quest intent è GRV sa decidida per ina soluziun ch'era gia sviluppada. Tecnicamain è questa soluziun vegnida laschada sco ch'ella era, p.ex. senza funcziun da selecziunar la lingua. La pagina d'internet è actualmain en la fasa da pilot, che duai durar fin la fin dal 2025. Suenter vegnan eventualmain fatgas adattaziuns tecnicas vi da la plattafurma. Contribuziuns pon vegnir inoltradas en tut las linguas. GRV respunda e commentescha las ideas en la lingua inoltrada.

Tar la dumonda 1: Innolab n'è betg in «portal dal chantun». Igl è in'actividad da GRV. Sin las paginas d'internet uffizialas dal chantun vegnan realisadas las prescripziuns da l'Ordinaziun da linguas dal chantun Grischun (OLing; DG 492.110).

Tar la dumonda 2: Innolab n'è betg in portal en il senn classic, mabain ina plattform per rimnar ideas. Actualmain vegnan p.ex. anc examinadas la realisaziun tecnica e l'acceptanza da las utilisadras e dals utilisaders (midada ad in concept dad open innovation). Sche la fasa da pilot vegn terminada cun success, vegn la plattform transferida en il manaschi ordinari (a partir dal 2026).

Tar la dumonda 3: Per las paginas d'internet dal chantun vala la OLing. Tenor l'art. 5 al. 1 lit. g OLing vegnan las paginas d'access dals departaments e dals posts da servetsch publitgadas en tut las trais linguas uffizialas. Tut las paginas d'internet da l'administraziun chantunala adempleschan questa prescripziun. Ultra da quai publitgeschan ils blers posts da servetsch dal chantun ina gronda part dals cuntegns da lur paginas d'internet en tut las linguas uffizialas. En il rom dal project actual «newGR-web» duai la pagina d'internet actuala dal chantun vegnir adattada en regard tecnic ed optic sco er areguard il cuntegn als basegns d'ozendi. Tranter auter vegni examinà, nua ch'igl è raschunaivel da porscher las paginas d'internet dal chantun tras e tras en trais linguas. Per quest intent stuess vegnir revedida l'Ordinaziun da linguas ed i duvrass las resursas respectivas. GRV na tutga betg tar l'administraziun chantunala e n'è pia betg pertutgada directamain da quai.

Tar la dumonda 4: Perquai che innolab.graubuenden.ch è in project che n'è betg suttamess a la OLing, sa restrenscha la Regenza ad ina sensibilisaziun dals acturs externs pertutgads. Quai vegn gia fatg sur il Post specialisà per la plurilinguitad e sur ina gruppa da lavur Plurilinguitad da la marca graubünden resp. sur il contact direct cun ils singuls acturs ordaifer l'administraziun.



En num da la Regenza

Il president:

Dr. Jon Domenic Parolini

Il chancelier:

Daniel Spadin